

## Da hohe Besöök.

von Theo Versteegen, aufgezeichnet von Johannes Toups

Eine Weihnachtsgeschichte von Theo Versteegen in Länkter Platt übersetzt von Johannes Toups

Josef, kiek ens wie tevreene os Manneke do en de Fuirback litt, ech jlööv ha ess am drööme. Komm ens möt mech op sitt, on sach mech ens watt wolde de Schööper hej? Maria, de woor en de Stadt jewäss on hat do an de Könnischsbursch von Herodes enne jroote Opzoch möt Kameele on voll Volk jessenn.

Ja on, wat soll dat Josef?

Dobej wüüre och drej Könnije, die kööme von janz wiet heer, on die heije enne Stäär jesenn, da op enne nöje Könnisch wiese dej, on de sööken die. De Schööper säht, et wüühr enne besongije, opvällije Stäär, on de stöng jetz genau öwer oss Hej pieljraat hej öwer de Schopp.

Wat soll dat bedüje Josef? Wolle die drej Könnije noer oss koome, hej noer oss en de Stall? Dat jeht nett.

Maria, die Schööper woore möt voll mier Lüh hej, on hadde och all Platz bej oss.

Schööper joo, dat sind osser Arts Lüh, die kenne sech uut en enne Stall.

Maria, du häs mech doch selvs jeseiht, dat osser Kenk jätt besongijes ess, dann modde merr och möt sonne Besöök tälle.

Jewess, jewess wenn ech et och koom jlööve kann, äwer de Engel hat mech dumols jeseiht, et wüür de Jong von osse Herrjott.

Nu jo Maria, dann ess doch de Stall ejal, dann kömmt et doch mär bloos op dat Kenk, op osse Jong aan.

Näh Josef, dat könnt err Männer net bejriepe, son hohe Haare en sonne effe Stall, ech hei et och jäär jätt properer hej, wie merr dat von te Huus ut jewent sind.

Maria, ech verstonn, ech loop jau Broot on Wien hohle, domött merr dänne jät ahnbieje könne.

Wo solle die sech dann satte? Wo druut drenke? Wovan ääte? Merr hant doch selvs mär bos de ehne, waggelije Stohl, kenne Döösch on jar nix hej.

Dat fengt sech Maria, et ess ärmlich hej bej oss en de Stall, äwer ech kann doch noch jät tereiht tömmere.

Mennste dann do wüüre son Hääre möt tevreene? Hej haste doch net din Hubbelbank stonn, ke Werkzeusch on ke Holt. Wie soll dat jonn.

Maria, du häss reiht, äwer henge en de Eck, be de Oos on de Ääsel donn ech da Mess eruut on jätt vresch Heu on Stroh e-ren.

Dann mot et joot sin, die koome mär wäaje dat Kenk, dat hant se wennstens be Herodes jeseiht, dat wosde da Schööper.

Joo Maria, on be Herodes solle se wall och jät te ääte on och jechoch te drenke jekräaje han.

Wenn de menns Josef, dann sett ech mech wüüre, kött henger de Poot, op de ehne alde, waggelije Stohl, on nähm oss klejn Manneke op da Schoot, domöt ech dänne de Jong wie enne Könnisch präsentiere kann.

Doo dees du Reiht dran, Maria, ens kieke wat die drej Könnije saare.